



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

Qvid sit Anima, ex aliorum opinione. Cap. 1.

urn:nbn:de:hbz:466:1-12918



STEPHANI THEVPOLI,
BENEDICTI F.P.A-
TRITII VENETI,

ACADEMICARVM
Contemplationum,

LIBER QVARTVS.

DE ANIMA VNIVERSE CON-
siderata.

Quid sit Anima ex aliorum opinione.

CAP. I.

BRAECLARA ea quidem sunt,
quæ ad ipsum Vnum, ad Men-
tem, ad Ideasque pertinent; in
quibus hactenus versati sumus.
At quæ ad animam pertinent,
præter id, quod diuina sunt; nam usque ad a-
nimam descendit diuinitatis fulgor (vt in E-
pistolis ait Plato) etiam hominis sunt propriæ;
eiique adeo accommodata, vt seorsum ab ani-
mæ cognitione, inanis, & superuacanea om-
nis alia cognitio censeri mereatur. Propterea
Plato, in explicanda anima accuratissimum se
præsttit; & iniuria profecto ab Aristotele in
proce-

procēmio de anima carpitur, quōd de anima differēs, de ea sola hominis verba fecerit: nam Plato omnes animæ gradus latissimè manifestauit; nouit tamen solam animam rationalem absolutè, & verè animam esse; cæteras verō umbras, vestigia, & idola animæ. Insuper nouit, quōd qui de hominis anima agit, de omni eius gradu loqui tenetur, cùm omnes inueniantur in homine; ideo commendatione, nō reprehensione dignus est Plato. Quōd anima sit, adeò constat, vt superuacaneum sit in eius ostensione immorari. Quid ea sit, maximè latet, vt vñā cum Platone affirmat Aristoteles: ideo dicebat Plato, difficillimum esse se noscere; quia difficilè est cognoscere, quid sit anima. Insuper asserebat nos cōspicere animam, tanquam marinum Glaucum, suo decore, suaque prima forma destitutam; alienis fōribus fōdataam. Propterea nonnulli eam esse corpus putarunt: at corpus corpori absolutè nō dominatur, nec principium est corporum, nec munera omnem corporum facultatem excedentia valet absoluere; quæ omnia manifestissimè conueniunt animæ. Alij existimarūt animam esse accidens: at accidens non per se subsistit, non supra corpus collocatur, non iungitur cum mente, non iudicat, nō substantiam constituit, nō sui, & aliorum est primum initium motus; quæ omnia ab anima proficiuntur. Colligamus itaque vñā cum Platone, & Aristot. animam non corpus, sed incorpo-

ream esse; non esse accidens, sed substantiam. Verum quæ sit hæc incorporeæ substantia, ap- primè latet. Aristot. pro ea explicāda, summo- perè in secundo de Anima laborauit; & præ- missis variis distinctionibus dixit, eam esse a- ctum primum corporis physici instrumenta- rij, siue potentia viui: insuper dixit, eam esse primum principium nutriendi, sentiendi, co- gitandi, loco mouendi. Hæc profectò verè de quadam anima dicuntur; at non semper ei co- ueniunt, veluti dum à crasso corpore seiungi- tur; nec conueniunt omni animæ, vt animæ Dæmonum, cælorum, & mudi; nec naturam, & essentiam animæ patefaciunt; sed potius cuius anima sit, & quid efficiat: nam hoc præ- fertim cognoscere expetimus, quid sit actus, & perfectio hæc, quæ in nostro corpore repe- ritur, & nostrarum operationum est initium; qua de re nihil exactè explicant Peripatetici.

Quid sit Anima, opinio Platonis.

CAP. II.



Lato in Phædro, & 10. de Legibus A- niimam esse dixit numerum se mo- uentem; quam definitionem sum- psis ex Philolao, Philolaus ex Pytha- gora. Peripatetici variis argumentis eam esse negligendam nituntur ostendere: sed quia ea definitio est obscura, ideo ab eius explicatio- ne exordiar, vt inde appareat, inanes esse in- stantias omnes, quæ aduersus eam afferuntur.

Plato